

Turu - Maandëko - Salvation Scriptures

VaEfeso 2:2 Itungo rasëë naamuuduvaa gwa uhonga uduvi në uvë wa urëmi uruu. Mugamutegheeya mutemi wa vinyonyinyonyi nëvinanguu ya gunto, gënyonyinyonyi gasëë négütendaa mwëmo itungwee mu vana va utenda në mavë.

Matayo 6:10 Utemi wako uje, Nëuguyafenja étendeke Mung'ë ëyëë mwino ëgutendekaa girunde.

Luka 22:42 "Tata, nëmbesa mafënji ako ung'eye nee gakuu akai gamakhasëko. Ëgweeso tiese mafenji ane, ëgweeso mafenji ako, atendeke."

Yohana 16:7-9

2 Timoteo 2:10 Gusoko ésëë nene ngughimëëyaa mantu oong'e në makaku gusoko a antu nëvahwaniwe. Uvii veeso noo vëdahe uhanga utsuoi ufuma kunë Kiristo Yesu itambëämwe na uküü nëutina mpeo.

ARumi 15:20,21 Uvii uvii ngikunkunyaya umëtanantya Sayu në Njija, tajëë nëtanantye afuu fana rina ramwa Kiristo radahie uhanyiwaa, tajee nije ujenga gunto a musingi wa muntu ugëja, 21 ëgweeso mwino yiandëkiwe: "Vasaa nëvadëa utanantëywa sayu yakwe vëgoona, Na vasaa nëvina tegheeyaa Sayu yakwe vëumanya."

Ntendo 2:36,37 "Uvii antu voong'e va Israeli mumanye gwa tutë mwino Muungu wamutendie mweeso Müküü na Kiristo, Yesu uyuu në nyenye mwamukhomie." 37 Itungo nënaa antu vategheeya uyi, vëgarighwa nkhooyao, na vëgahanya kunë Fetero nanë atumami nëvësaghie, "Aruna vitu gutende urë?"

VaEburania 4:2 Gusoko Sayu Njija atanantiwe kunë see mwino étë ëgatanantiwa kunë vasaa antu va khae. Ëgweeso Sayu ésëë inavajëfëyaa intu mbanduvë gusoko vëgamëtegheeya ëgweeso vinamëghenyifaa gwa uhuvëi.

Yeremia 24:7 - Matayo 22:37 Na mweeso agamweera, 'Muyanje Müküü Muungu wako gwa nguu yako yoong'e, na gwa nkhooyao oong'e na gwa ihaa rako roong'e.'

Ntendo 16:14 Umwedu në arë wagutegheeye sese arë mukhema rina rakwe Lidia, ufuma u muji wa uTiatira, në arë ugurinja masaa a sambarau, në arë ugumukuryaa Muungu. Müküü agarughua nkhooyao ategheeyache asaa në arë Faulo ugurighëetya.

Matayo 13:14-16 Kunë veeso ëgukhondeka ayoo nëwarighëtiye munyagëdaghu Isaya: 'Utegheeya muutegheeya, ëgweeso mutiumanya, uraraava muuraraava, ëgweeso mutigoona. 15 Gusoko mahaa a antu avaa atendekie mafutu, vayagiviye makutwë awe, vatutiye miho awe. Nësa ti uvii, sa vagune gwa miho awe, sa vategheeye gwa makutwë awe, sa vamanyie gwa mahaa awe, na unsukëa uguhanya Müküü, neenoo sanaaforiye.' 16 Gweeso ëforiwe miho anyu gusoko ëgoonaa na makutwë anyu gusoko ëgutegheeyaa.

Isaya 6:9,10 - Ntendo 28:27 Gusoko nkhooyao antu avai yatendëkie mputu, na matwë ao maito gwa utegheeya, na miho ao akunëkiwe, mbesa veeso vëtaje

uona gwa miho ao, na vataje utegheeya gwa matwë ao, na vataje umanya gwa nkoo yawe, vafëtuke kunë nene na uvaforya veeso.'

Mariko 4:11,12 Mweeso noo agavëéra, "Nyenyé mwaarëywe ugëmanya gëmpihë ga Utemi wa Muungu ëgweeso gwa vasaa në vëgunji muu intu vëukhanëwa gwa nyinkhori, 12 gusoko, 'Vëraraave tutë, ëgweeso vëdëe goona, Vëtegheeye tutë, ëgweeso vëdëe umanya. Nësa ti uvii sanaa vamusukëe Muungu, Mweeso noo sawavarekëe mahutye awe.'"

Yohana 12:39,40 Uvii veeso vinadaha uhuvëa. Gusoko Isaya kangë agahanya, 40 "Mweeso agayafokuya miho awe na agayitenda nkoo yawe ikakufe du, usi veeso vëtaje vëone gwa miho awe na vëmanye gwa nkoo yawe, na unsukëa kunë nene nëdahe uvaforya."

ARumi 11:7,8 Itungwee wurë? Antu va Israeli vinagëhangaa ëkoo nënaa vëugëfenja, ëgweeso avoo nëvahwaaniywe vëgagehanga. Vangëja vëgatuatëywa. 8 Mwino ëandëkiwe, "Muungu agavafa nkoo ya gitunëkëa, nanguu na miho mbesa vëdëe goona, na matwë mbesa vëdëe utegheeya, faka itiku èrëë ra rëo."

2 ATesalonike 2:10,11 na itambëëmwe na mantu oong'e në mavë na weegheeghe gwa vasaa nëvëëuyaghha. Vasaa vahitie umëyanja tutë na uvii vëdahe uthywewa. 11 Gwa uvii Muungu wavëtee nguu ya uyagħai, na vatenda veeso vehuvëe në a weegheeghe.

Matayo 13:18-23 "Uvii, nyee tegheeyi riana ra wikhori uroo wa mufandëi. 19 Gëkaku muntu nëugutegheeya ukhani wa utemi na udëa uwumanya wëë mwino mbeyu ëyoo nëyagwee munjëa, Murughu uyoo uguja na ugëhra gësëë nëgafandëwa munkhoo a muntu wasuu. 20 Mbeyu ëyoo nëafandëwa fana magwe uu në wikhori wa muntu nëughutegheeya ukhani wasuu na muugënyaafafo uguughenyaifa gwa uyanjo. 21 Ëgweeso utiumwingëaa na utenda mërye mukhatë akwe, ugufwaghëëra uwukwatëëra ukhani wasuu gwa iyoma ikufë gutufu na itungo në makhasëko na wifumpi adwëëra gusoko a ukhani wasuu ugugwea muugënyaafafo. 22 Mbeyu ëyoo nëagwee mukhatë a mëtë a magħuya unë wikhori wa muntu nëugutegheeya ukhani wasuu ëgweeso faghafatha a urëmi uruu na nkumbu a maari ēguwtunyëëyaa ukhani wasuu weeso utiufa nkhari. 23 Mbeyu ëyoo nëafandëwe mu irongo në ija unë wikhori wa muntu nëuguutegheeyaa ukhani wasuu na uwumanya, weeso ugufaa nkhari, na mbeyu ëmwe ëguduya mpeke ighana, èngëja makumi mutandatu na èngëja makumi atatu."

2 AKorinto 3:15,16 Nhaa, faka rëo ëyëë, itungo në veeso vëtëgheeye muntu ugušoma Seria amwa Musa sela kë ëkunëkëe mahaa awe. 16 Ëgweeso në gwa muntu umwifetukëya Muungu nëégutëndaa sela èsëë èhëywe.

Hosea 11:3-7 - Matayo 11:28-30 "Njii kunë nee nyoong'e nëmuukhasëkaa na uremechwa na mërigho nee ngumutuyisya. 29 Yarë iyoki ranë mwisëye kunë nee, gusoko nee nëmufoo na mwinyumpi wa nkoo, nyee mufefehheeywa munkhoo yanyu. 30 Gusoko iyoki në nee ngumufa unë rëtere, na murigho wanë unë ufūfu."

Ntendo 26:18 Veve winjë urughua miho awe, uvii veeso vëdahe ufentuka ufuma u

kiti gwenda u weru na ufuma u nguu yamwa setani gwenda kunë Muungu. Gwa utenda uyi, veeso vëdahe ughenyifa irekewa ra mahutye na uhanga ikhondo mung'ë a avoo unë veeriywe gwa ung'uvëa nene.'

- 2 Timoteo 2:24-26 Mutumami wa Muungu inoneye atatendee mwikungumi, ëgweeso atende gwa a antu voong'e, nëudahëte usëya, na mughimu. 25 Mweeso uguaghoraavoo nëvëufëngaa. Muungu udahëtë fangëja uvafa veeso iyoma ra ufea na umëmanya tutë. 26 Na veeso vëdahe ginegha ufuma u mutegho wamwa ibilisi, nëvatungiwe na mweeso vëtende mafenji akwe.

Ukunukuo 3:17-19 Veve ughanyaa, 'Nene në mughwarë, nëkweti oong'e ntifere gëntu mba gëmwë.' Ngwë utimanyie mwino veve u muleghetu, ugufenja gonewa uvavi, u mutuki, umufoku kangë wë gëfuyu! 18 Ngugusëya ughure kunë nene sahabu nëëoyiwe gwa moto utëndeke umughwarë tutë. Kangë bahu ughure noo isaa nëryeru, urye na ukumba mënyaa a gefuyu gako. Ghura noo makuta uvire miho ako udahe goona. 19 Nene unë ngumwonyaa na umusucha woong'e nënëmuyanjëtë. Gwa uvii khomia nkho, rekanuka na mahutye ako.

- 2 AKorinto 7:10 Gusoko uvavi në Muungu ugumusacha nyenye muhange uwetaa ëfëntuwa ra nkho yanyu. Ëyëe ëgumutëndaa nyenye muhange utoi wanyu na sese gutigona uvavi gusoko èsëe. Ëgweeso uvavi wa mu urëmi uwetaa ikuya.

1 Atëmi 18:37 - Muungu turned heart back to Muung.

2 AKorinto 4:4 Gwa uvaru wawe, Setani, mungu wa urëmi uruu wendie ufokuya mahaa a avoo nëvëtihevëe. Veeso vëtinje goona weru, wasuu unë Sayu Njija nëëmughokee üküü wamwa Kiristo, unë vining'anëre viina Muungu.

Luka 8:11-15 Itungwee riana ra winkhori tëérë: "Mbeyu në ukhani wa Muungu. 12 Yasii në yunjëa në vasaa nëvëutegheeya, na amëëte Ibilisi waja uheya ukhani ufuma unkho, yao vataje vahuvëe na utoyoka. 13 Na yasii në igitalaghwe në vasaa unë vëutegheeya ukhani, vëusëngëya gwa nkumbu nkoo; ëgweeso vasaa vatikweti mëëri, nëmërëfu veeso vëuhuvëa gwa itungo rëkufe na ikhondo ra maëgheeyo vëugwa unkho. 14 Na gwa yasii nëyagwëëre mukhatë a maghuya, në vasaa nëvëutegheeya, ëgweeso gwa nyenenda ao na njëa yao vëutunyëwa na ukhasékëa mari na nkumbu ya uduvi na nkari yao itiuvëya. 15 Na iyio nëiguirongo në rija në avoo, nëvëutegheeya ukhani na ukwatëëralii gwa winyumpi na nkho në njija na ufa nkari gwa ughimëyi.

Ntendo 15:11 Ëgweeso sese guhuvëe mwino gwinjë utoyewa ukëérëa mboto a Müküü Yesu, mwino chu veeso."

ARumi 8:13 gusoko nësa muuduva gwa uhonga mantu a mwëérë muufenja ukuya, ëgweeso nësa muuyiuragha ntendo ya mwëérë gwa Mwahu muuduva.